

لوک کہانی راجا پورس دیاں نینہاں تے سبھا

ڈاکٹر سعید خاور بھٹنا ☆

Abstract

This article is an analysis of the story of Raja Poros as it appears in Punjabi folklore. A comparative study of the Punjabi version with Greek, Ethiopian, Arabic, Persian and Sanskrit versions has been made with the help of historical evidences. The battle between Alexander and Poros as it has been depicted in Punjabi folklore shares many similarities with the descriptions of the battle narrated in other languages. All the historians agree that Poros was more heroic than Alexander. According to Punjabi folk tradition, it is moral strength along with bravery which makes a person hero.

راجا پورس پنجاب دا اچھا سورما ہے، جیہدی سورم گتی نوں جگت پدھر اُتے سراہیا گیا ہے۔ 327 ق م وچ ویہت دے کنڈھے اُتے سکندر مقدونی تے راجا پورس وچکار لڑی جان والی لڑائی (۱) وچ سکندر دے مال یونانیاں توں اڈ پراجیاں جوہاں دیاں فوجاں وی شامل ہان۔ یہناں سمکالیاں دیاں روایتاں اُتے ای یونانی، لاطینی، سریانی، پہلوی تے حبشی دیاں سکندر بارے تاریخاں اُسریاں۔ ایہہ تاریخ و ت عربی، فارسی وچ وی نظربندی ہے۔ یہناں روایتاں وچ تاریخ تے افسانہ جھیاں پامندے دکھائی دیندے ہن، پر بک گل سمھناں کول سٹھی ہے کہ

راجاپورس جی بہادری نال اکھوتی ”فاتح عالم“ دا مقابلہ کیتا، اوہدی دُوج نہیں ملدی۔ تاریخ دے عربی، فارسی سوسے پنجاب دے کلاسیکی شاعراں کولوں گھسے ماہن، اوہناں دے کول سکندر دا حوالہ تاں سچ سچا ویکھیا جاسکدا ہے، پر پورس دی بہادری نوں اوہناں کدی نہیں وڈایا۔ انگریزی راج گروں یونانی تے لاطینی سومیاں دے انگریزی ترجمیاں راہیں پنجاب دے باؤ سوجھوان لہندی مورخاں دی وچار دھارا توں جانو ہوئے۔ کجھ سوجھواناں دا وچار ہے کہ سنسکرت وچ سکندر مقدونی دے ہلے داسرا ملدا ہے، پر اسیں اگے چل کے ایہدے بارے اپنے وچار پیش کریاں۔ ہرکھ والی گل ایہہ وے کہ تاریخ دے پٹیاں اُتے پورس دی جیہڑی مورت اُگھڑی ہے، ایہہ دو جیاں قوماں دی دین ہے۔ پنجابی آپوں پورس نوں کیوں ویکھدے ہن؟ ایس پکھوں پنجاب دا پلا سکھنا ای رہیا ہے۔

اسیں 1991ء وچ لوک کتھی میٹیس کمال دین کولوں ”راجاپورس“ دی کہانی نیتہ بند کیتی ہا، جیہڑی کورنمنٹ کالج لہور دے ”راوی“ 1993ء وچ چھپی۔ (۲) ایہدے گروں اسیں ”کمال کہانی“ وچ شامل کیتی۔ جدوں اسیں کمال دین توں پچھیا کہ تساں ایہہ کہانی کیہدے توں سنی ہے تاں اوہناں اساڈے سوال دے جواب وچ دیا:

”پیو داوے دیاں گلاں وچوں میرے ہتھیں کجھ نہیں آیا۔ میں تاں اوہوں بال ہام، جدوں اوہ موئے۔ ماما میرا جیہڑا ہے، اوس نوں گلاں تے کہانیاں یاد ہان۔ اوہدے کولوں میں سُن کے پکائیاں ہن، ”اکبر بادشاہ دی“، ”راجپوتاں دی“، ”راجے پورس دی“، ”راجے کرناں دی“، ”باقی دیاں ایہوں آدوں“۔ (۳)

راجاپورس دی کہانی انج ہے کہ ایران دا شاہ دارا سے دانشا بھر بادشاہ ہويا ہے۔ اوہوں مقدونیہ دا بادشاہ فیلیپس وی اوہدے اگے نکلے تاریندا ہا۔ (۴) جدوں فیلیپس دا پتر سکندر بادشاہ بندا ہے تاں اوہ دارا اگے نکلے تارن توں ماہر تھیندا ہے۔ شاہ دارا مقدونیہ اُتے حملہ کریندا ہے تاں دارا دے دے دو وزیر سکندر نال رل جاندا ہن تے اوہ دارا نوں پھڑ کر چھڈ دے ہن۔ پھڑدارا سکندر نوں وصیت کردا ہے کہ جے توہیں ایران تے شاعی کرنی ہے تاں میری دھی نال

شادی کر لیں۔ سکندر ایران دی فتح مگروں دارے دی دھی مال شادی کر لیندا ہے تاں سکندر دی بیانی نوشاہہ وی یونان توں ایران آ جاندا ہے۔ ارسطو سکندر نوں نوشاہہ دے ہیلپ توں ہکدا ہے۔ ارسطو دے ہکلن تے سکندر کھلور ہندا ہے۔ نوشاہہ نوں پتہ چلدا ہے کہ سکندر پنجاب اُتے حملہ کرو ہے تے اوہوں دے راجا پورس دا بھو اوہدے من وچ بیٹھا ہویا ہے۔ نوشاہہ سوداگراں دا بابا پا کے پنجاب آ جاندا ہے۔ اوہوں رکھی دا دیہاڑ ہے۔ اوہ کسے طرح پورس دے محل تیکر اپڑ ویندا ہے۔ نوشاہہ پورس نوں آکھدی ہے کہ میٹھے بھرا کوئی نہیں تے میں تینوں بھرا بنادوں آئی ہاں۔ پورس ہتھ اگے کردا ہے تاں اوہ گانا بھدی ہے۔ پورس آکھدا ہے لاگ منگ۔ نوشاہہ آکھدی ہے جے سکندر تیرے اُتے حملہ کرے تاں اوہنوں قتل وی نہیں کرنا تے قید وی نہیں کرنا۔ انج پورس اوہنوں بھین بنالیندا ہے۔

سکندر ٹیکسلا فتح کرن مگروں راجا پورس دی شاہی ول ووہدا ہے۔ اوہ پورس آل کہیں اپنی گھلدا ہے کہ ہتھیار سٹ۔ اوڑک سکندر اک کے آپوں پورس دے دربار وچ اپنی بن کے جاند ا ہے۔ پورس سبجان لیندا ہے کہ ایہو سکندر ہے۔ پورس اپنے اک فوجی دستے مال سکندر نوں واپس گھل چھڈا ہے۔ جدوں لڑائی ہوندا ہے تاں پورس سکندر اُتے وار کرن لگدا ہے تاں اوہدی نظر گانے تے پیندا ہے تاں اوہنوں اپنا قول یاد آ جاندا ہے۔ اوہ سکندر اُتے وار نہیں کریندا سگوں اوہدے دو گھوڑے ڈھاہ لیندا ہے۔ لڑائی وچ پورس پھڑھو ہو جاندا ہے۔ سکندر پورس توں پچھدا ہے کہ تیرے مال کیہ سلوک کراں؟ پورس آہدا ہے جو بادشاہ بادشاہواں مال کردے ہن۔ سکندر تے پورس دی صلح ہو جاندا ہے۔ پورس نوشاہہ دی شادی سکندر مال کر دیندا ہے۔ لہہدے مگروں سکندر شورکوٹ تے ملتان اُتے حملہ کریندا ہے۔ ملتان دے قلعے توں اوہنوں تیر لگدا ہے تاں اوہ اگے ودھن دارا وہد پل لیندا ہے تے بابل جا کے اوہدی جان نکل جاندا ہے۔

ایس کہانی وچ کئی ایہیاں تاریخی حقیقتاں ہن، جیہناں نوں یونانی، لاطینی، حبشی، عربی تے فارسی مورخاں کول وی دیکھیا جاسکدا ہے۔ پہلی صدی عیسوی دے مورخ آرمین نوں سکندر دے ہلیاں دے حوالے مال معتبر حیثیت حاصل ہے۔ اساڈے کتھی تے آرمین کول کئی واقعاتی

سانجھاں ملدیاں ہن۔ کتھی دے آکھن موجب:
 ”سکندر ٹیکسے اُتے آ گیا ہے۔ راجا امبھی ہويا ہے ٹیکسلا داراجا۔ اوں باجھ لڑائی دے
 ہتھیا سٹ دن۔“ (۶)
 آئرین داوچار ویکھو:

"He also received the presents of Taxiles the Indian, being two hundred talents of silver, three thousand oxen, above ten thousand sheep, and thirty elephants; seven hundred Indian horse were sent to his assistance by that prince, who also made him a surrender of his capital, the largest and most populous of all the cities between the rivers Indus and Hydaspes." (۶)

لوک کہانی موجب و بہت دریا پورس دیاں فوجاں کئی مہیدیاں تیکر یونانیاں نوں مائی ٹپن
 دتا۔ ایہناں جھڑپاں وچ ای پورس دا پتر مری گیا۔ آئرین نے پورس دے پتر دے مرن دی دس
 تاں نہیں پائی، پر دریا دے کنڈھے اُتے پورس دے پتر نوں سکندر دا مقابلہ کر دیاں وکھایا ہے۔

"Other authors relate, that the Indians who accompanied Porus's son attacked Alexander and his body of horse, as soon as they set foot upon the bank, and as he had the greatest part of the forces wiht him, Alexander himself there received a wound, and his horse Bucephalus, which he exceedingly prized, was slain by Porus's son." (۷)

لوک کہانی وچ دسیا گیا ہے کہ سکندر نوں ملتان دے قلعے توں ای مار و تیر لگا۔
 ”بھیریوں جا کے سکندر ملتان اُتے دھاوا کیتا ہے۔ شور کوٹ لتاڑ کے گیا ہے۔ ایہہ
 بھڑ اوں ویلے دے ہن۔ ملتان فتح ہو گیا تے آپ پھڑ ہو گیا تے باقی دے پنجاب نوں کجھ
 نیہسوں آکھیا۔“ (۸)

میکرڈل نے سکندر دے مڈھلے مورخاں آئرین، سٹرابو تے پلوٹارک دے حوالے مال

لکھیا ہے کہ ملوئی دے قلعے وچ ای سکندر نوں تیر لگا، جیہڑا اوہدی موت دا کارن بنیا۔ اساڈے اتہاس کار ایس گل بارے سمت ہن کہ ملوئی توں مر او ملتان دا قلعہ ای ہے۔ میکرنڈل دے لفظاں وچ:

"But according to Arrian, Strabo, and Plutarch, the city where Alexander was nearly wounded to death belonged to the Malloi." (۹)

یونانی مورخ کیلس تھینز (Callisthenes) ارسطو دا شاگرد ہاتے سکندر دے دُونیاں قوماں اُتے حملیاں سے اوہدے مال ہا۔ اوہ واقعیان نوں لکھن سے یونانیاں دیاں تھوڑاں تے دُونیاں قوماں دے گناں نوں وی سراہندا۔ سکندر نے اوہدے سچ توں کجج کے پنجاب وچ اوہنوں پھاہے لوا چھڈیا۔ کیلس تھینز دی یونانی لکھت دا پہلاں پہل پہلوی وچ ترجمہ ہویا تے وت چھیویں صدی عیسوی وچ سریانی وچ اُتار اکتیا گیا۔ ایتھوپیا دیاں تاریخی روایتاں اُتے وی کیلس تھینز دا اثر دنیا ویندا ہے۔ آجھے ایہہ گل کرنی کتھادیں نہ ہوتی کہ ایتھوپک ریت وچ پورس نوں زخمی ہوندا یاں نہیں دکھایا گیا سکندر نوں پورس مال جنگ ویلے چانن ہو گیا ہا کہ ایس لڑائی دا سناری تباہی ہے۔ سکندر جنگ وچ ای پورس آل صلح داسنیا گھلیا تے اپنے کجھ مفتوحہ علاقے پورس نوں دے کے صلح کیتی۔

ای۔ اے۔ والس نج نے پہلوی، سریانی تے حبشی زبانوں دے کھڑیاں دا "The life

And Exploits of Alexander The Great Being A Series of Ethiopic Texts" دا انگریزی ترجمہ دو جلدوں وچ 1896ء وچ چھپیا۔ ایہناں لکھتاں وچ وی پورس دی بہادری دے سولے گائے گئے ہن۔ پنجابی لوک کہانی وچ پورس نے سکندر دے دو گھوڑے ڈھاہے ہن۔ حبشی روایت وچ وی سکندر دی پنجابیاں مال جنگ وچ گھوڑی توں ڈھاہندیاں دکھایا گیا ہے، پر اوہناں دی لوک ریت وچ ایہہ سچ کجھ جادو پاروں ہویا۔

"Then Porus, the king of India, called the magicians from the temple of his god and they cast a spell upon Alexander, and his mare

rose up under him and threw him on the ground, and she refused to rise up until he could lead her; now she was the mare which had by sorcery been born at the same time as himself. And Alexander thought that he would be conquered, and he was in great tribulation about himself and about his soldiers." (۱۰)

عربی مورخ دیناوری تے طبری دیاں روایتاں پچھے سریانی تے حبشی تاریخ سبھا دیکھی جاسکدی ہے۔ انجیں وانگوں فارسی شاعر فردوسی دیاں روایتاں پچھے پہلوی دی تاریخ دارنگ جھلکارے پیا مارا ہے۔ اتھے ایسے عربی، فارسی، ریت مال ایسے کہانی دی سانجھ دی ہک ہک دنگی دینے ہاں۔ پنجابی لوک کہانی موجب:

”اوس زمانے جیہڑا نکا نے بنیا ہویا پاسونے دے انڈے بنا کے دیندے ہائے۔ فیلتوس فوت ہو گیا ہے تاں ستارھاں سالاں دی عمر وچ سکندر بادشاہ بنیا ہے تے پیو دی گدی اُتے بہہ گیا ہے۔ چھماہی گزری کھلی ہائی کہ ہلکارے بادشاہ دے آگن تے اوہناں آکھیا، ”اوہ انڈے دے۔“ سکندر آکھیا، ”اساڈی اوہ لگھوی مرگئی ہے، جیہڑی انڈے دیندی ہائی۔“ (۱۱)

پال وین فیلڈ نے دیناوری دے وچاراں دے دیا کھیا کردیاں لکھیا ہے:

"This is obviously a revision of what al- Dinawari, among other writers, says when he notes that Philip used to pay Dara a thousand golden eggs as tribute, and that, when Dara asked Alexander to do the same, he responded, "The hen that laid those eggs is dead." (۱۲)

پنجابی لوک ریت موجب ایران و بادشاہ دارا سکندر مقدونی مال جنگ کردیاں زخمی ہو ویندا ہے۔ زخمی دارا سکندر نوں متاں دیندا ہے۔

”کوئی مت ایہہ دے کہ ایہہ قوم جیہڑی میری ہے، ایہہ تینوں شای نہ کرن دیسی تے نہ ای میں ایہناں نوں بھلنا ہاں۔ توہیں ایہناں دے ہتھوں مری جاوے۔ توں دھی میری مال شادی کریں تاں توں ایس قوم اُتے شای کر سکیں۔“ (۱۳)

پال وین فیلڈ نے طبری دے حوالے مال لکھیا ہے:

"Al-Tabari's depiction of the deathbed scene is even more interesting, for rather than using this episode as an opportunity to talk abstractly about the vicissitudes of power he has Dara tell Alexander that all will be well if Alexander marries his daughter Rushanak. The important thing, Dara says, is that Alexander should "perpetuate the Persian nobility and not allow others to rule over them." (۱۴)

”شاہنامہ فردوسی“ وچ وی زخمی دارا سکندر نوں ایہا مت دیندا ہے، جیہڑی عربی تے

پنجابی ریت وچ دکھائی دیندی ہے:

زمن پاک تن دختر من بخواه
بدرش بہ آرام درپیشگاه
کجا مادرش روشک نام کرد
جهان را بدو شاد و پرام کرد (۱۵)

برصغیر پاک و ہند دیاں زبانوں وچوں سنسکرت نوں کلاسیکی حیثیت حاصل ہے۔ سکندر دے پنجاب اُتے حملے سے سنسکرت وی سکھراں نوں چھوہ رہی ہا۔ کجھ کھوجیاں ”پورو“، ”پورے“ تے ”پاوراں“ دے قبیلیاں دی اودوں ہوند دا ویرا تاں دتا ہے (۱۶) پر سکندر دے پنجاب اُتے حملے تے پنجابیاں دے مقابلے بارے ایہناں لکھتاں وچوں وی دس نہیں پیندی۔ N. Gopala Pillai نے ”سکندر پُران“، ”چاند گپہ اُپنشد“ تے ”مہا بھارت“ دے حوالے مال ایہہ دسیا ہے کہ سکندر مقدونی دا ویرا سنسکرت دیاں پرانیاں لکھتاں وچ ملدا ہے۔ اوہناں دی وچار دھارا دا نمونہ دیکھو:

"Alexander married the beautiful princess Roxana the daughter of the king of Bactria; and Skanda is said to have married

Sena or Deva Sena, daughter of Mrtyu according to Skanda Purana and daughter of Prajapati according to the Maha Bharata. Now it is a well recognised symbol of language that proper names are contracted in actual usage, and the end often chosen to designate the whole." (۱۷)

اُتلے حوالے وچ یونانی تے فارسی دے جیہڑے وکویں ماں گنوائے گئے ہن ایہہ پنجابی لوک ریت تے علمی ریت دوواں واحصہ بندے دکھائی نہیں دیندے۔

لوک کہانی وچ ورتے ماواں ارسطو، سکندر، نوشاہ، دارا تے مقدونیہ توں سبھا اندازہ ہوندا ہے کہ ایہہ کہانی عربی، فارسی ریت دے تحت جُوی ہے۔ اتھتھے دوگلاں کوہ کوچریاں ہن۔ ایس کہانی وچ پنجابی سبھا کھتھے دکھائی دیندا ہے۔ دوئی ایہہ کہ کیہ عربی، فارسی ریت وچ بُدیاں کہانیاں پنجابی ہو جانداں ہن؟ یونانی مورخاں پنجاب وچ سکندر مال تن وڈیاں لڑائیاں دی دس پائی ہے۔ سکدر نوں اپنے جیون وچ سبھ توں اوکھی جنگ راجا پورس مال ای لڑنی پئی۔ ایہدے مگروں یونانیاں سانگہ تے ملتان دے قلعے کوئی راہ ویندیاں فتح ماہن کر لئے۔ ایہناں جنگاں وچ وی وڈی تباہی مچی تے اوڑک سکندر دی فوج ستلج دریا جھاگن توں ماہرتھی گئی تے امہد اگلا، جمنہ ول ودھن داسفنا کھیر وکھیر ہو گیا۔ میکر نڈل دے آکھن موجب:

"Alexander, with all his matchless strategy, could not have averted such a catastrophe; for what is the record of his Indian campaigns? We find that the toughest of all his battles was that which he fought on the banks of the Hydaspes against Poros; that he had hot work in overcoming the resistance of the Kathaiana before the walls of Sangla; that he was wounded near to death in his assault upon the Mallian stronghold; and that in the valley of the Indus he could only overpower the opposition instigated by the Brahmans by means of wholesale massacres and executions." (۱۸)

پورس دی بہادری نوں تاں تن بر اعظماں یورپ، ایشیا تے افریقہ دے اتہاس کاراں نے سلاہیا ای ہے، پر سانگہ تے ملتان دے سورمے لوک ریت واحصہ نہیں بن سکے۔ اساڈے کتھی نے پورس نوں بہادر ہون دے مال مال اخلاقی سطح اُتے جتدیاں دکھایا ہے۔ سکندر ایلچی بن کے پورس دے دربار وچ آ وندا ہے تاں پورس سبجان لیندا ہے۔ کتھی داوچار ویکھو۔

”ایلچی اٹھیا ہے۔ تلوار میان وچوں پھک کے گرسی اُتے ٹھوکی سو۔ آکھیوں، ”ہن سدا ای۔ میں ہاں اوہد انمک خوار۔ میرے ہوندیاں مت کمینہ سدیں۔ میں حلق کولوں زبان پھک لیاں۔“ راجپوت بل اٹھن۔ ”ایہہ کون ہے؟“ پورس وری کڈھ کے آکھیا، ”میں سکندر دی کنڈیوں پچھے تاں کمینہ نہیں سدیں۔ میں سکندر دے مومہ اُتے پیا کمینہ سدیں۔ کمینہ نہیوں تاں ہو رکیہ؟“ وزیراں ہائے ہائے کیتی۔ ایہہ تاں ایلچی ہویا۔ اوس آکھیا، ”ایلچی میرے کول اگے وی آوندے رہندن۔ ایہہ شاعی اگ ہے جیہوی اکوں کھاوندی ہے۔ اگ ڈکیندی پئی ہے اگ نوں۔“..... پورس آکھیا ہے، ”خبردار سکندر ہے تے آیا ہے ایلچی بن کے۔ ایلچی مارا رانجھی کائی نہیں۔ مڑ تاں میرے جیڈا کمینہ کوئی نہیں کہ سکندر آوے ایلچی بن کے تے میں ایلچی مروا گھتاں۔ جا سکندر چلا جا بھیڑا کیتا ہی کہ ماہیا آوے۔“ (۱۹)

وہیت دی لڑائی ویلے سکندر پورس دے وار پٹھ آ وندا ہے، پر نوشاہہ دے بھٹے گانے تے نظر پیندی ہے تے سکندر نوں قتل نہیں کردا۔

”سکندر گھوڑے اُتے چڑھ کے آیا ہے۔ پورس ہاتھی اُتے ہا، پورس جتھہ الار کے سٹواں بر چھا مارن کان بر چھا تولیا ہے۔ رشت تھبر اون لکیاں گانے تے نظر پئی سو۔ ہنجوں پیاں سو۔ ہائے زبانی، تینوں وڈھ سٹاں۔ ہن راجپوت نیموں رہندا جے سکندر ماراں۔ بر چھا مار کے گھوڑا ڈھاہ لیا سو۔ سکندر دُونے گھوڑے اُتے مڑ چڑھ کے آیا ہے۔ ایس دوآ وی بر چھے مال ڈھاہ لیا ہے۔“ (۲۰)

انسانی تاریخ وچ ایہہ گل تاں سبجے ای ویکھی جاسکدی ہے کہ گھوڑ، پالال تے مکر مال کنیاں ای جنگاں جتیاں جاندیاں رہیاں ہن۔ لہندے دی سوجھ توں لے کے ”مہا بھارت“ تک ایس گل دی دس پیندی ہے کہ محبت تے جنگ وچ سبھ کچھ جائز ہوندا ہے۔ پنجاب دی ہزاراں

ورھیاں دی سورم گتی ریت ایہناں وچاراں دا ہنگارا نہیں بھرنیدی۔ پنجابی وسیب نے سورما اوہنوں ای منیا ہے، جیہڑا اوکھے توں اوکھے حالات وچ وی جیون دیاں اُجیاں قدراں دی راکھی کردا ہے۔ بھین دے رشتے دا آدر، کیسے قول پالے تے ہندی طاقتے کل جانا ایہہ اوہ قدراں ہن جیہناں نوں پنجابی وسیب ہمیشہ سراہیا ہے۔ اُتے دتے دوویں واقعے بھاویں تاریخی سچ نہ ہوں، پر ہک بدلیسی دھاڑ وی دے مقابلے تے پورس کان پنجابیاں دے گل اچیت وچ بیٹھی پریت دی گھاڑ چا پے ہن۔

جیویں اسیں پہلاں بتاریا ہے کہ ایس کہانی اُتے عربی، فارسی ریت دا پرچھاواں ہے۔ اصل وچ لوک ادب تے وچار دھارا دا کوئی حد بنا نہیں ہونداتے نہ ای ایہہ ٹھلھیاں ٹھلھیاں سکدیاں ہن۔ کہانیاں دی آواجائی تاں ست سمندراں توں پار تیکر وی دکھائی دیندی ہے۔ اساڈی ریت وچ ”یوسف زلیخا“، ”داستان میر حمزہ“، ”جنگ نامہ امام حسین“ تے ہور کنا کجھ باہروں آن رلیا ہے۔ ایہہ کہانی تاں اساڈا پر تیا ورثہ ہے، جو سکندر دیاں پراجیاں توں پورس بارے جوڑیا ہے۔ پال وین فیلڈ نے سکندر بارے پر چلت تاریخ دے تیرھاں سچے گنوائے ہن، جیہڑے جگت پدھر اُتے وچارے گئے ہن۔ اوہناں وچوں ہک سچا سکندر تے پورس دی جنگ وی ہے۔ (۲۱) انج چا پدا ہے کہ پراجیاں توں جدوں سکندر توں ودھ بہادر پورس لکریا تاں اوہناں اوبدی سو بھا کر کے اپنی کسے ہیئت دی تلافی وی کیتی ہوئی۔ یاں بہادری ورگی قدر دی سچی سراہنا۔ کلاواں دے کھیتز وچ وت وچارن تے وت آکھن سدا توں لگا آیا ہے، پر جدوں کسے وچار دھارک منصوبہ بندی توں اڈ لوک ریت ایہہ ذمہ واری اپنے کنھاڑیاں اُتے چلیدی ہے تاں کسے قوم دے گل اچیت دا اظہار ہوندی ہے۔ کہانی نوں ہک گل دے طور تے ویکھیا ونجے تاں لبہدی بُمت، بولی، تجسس، مانکی ڈھنگ، پنجابی وسیب دی سورم گتی دا پیمانہ، رکھنی تے شادی دیاں رسماں، کلاسیکی تے لوک ادب دیاں مثالاں راہیں جذبیاں دے اُتار چڑھا دے بیان پاروں لوک ریت وچ رچی ہوئی ہے۔ انج ایہہ پنجابی لوک ادب تے زبانی تاریخ دا اکھڑواں انگ بن گئی ہے۔

حوالے/حاشیے

- (۱) Buddha Prakash, History of Poros (Patiala: Punjabi University, 1967)38
- (۲) سعید بھٹنا، ”راجا پورس“، راوی، 80 (1993ء): 266-76
- (۳) سعید بھٹنا، کمال کہانی (لہور: سانجھ، 2006ء) 22
- (۴) سکندر دے باہلے اتھاس کاراں اوہدے پیو داں فلپ لکھیا ہے۔ لوک کہانی وچ اوہدے پیو داں فیلقوس ہے۔ فردوسی نے وی ”شاہنامہ فردوسی“ وچ فیلقوس ای لکھیا ہے۔ خورے پنجابی ریت وچ ایہہ ماں فردوسی دے اثر پاروں آیا ہووے۔
- (۵) بھٹنا 40
- (۶) Arrian, Arrian's History of Alexander's Expedition Trans. Mr Rooke. vol:2 (London: R. Lea; J. Nunn; Lackington, Allen And Co, 1814) 7.
- (۷) Arrian 27.
- (۸) بھٹنا 46
- (۹) J.W.M'Crindle, ed., The Invasion of India By Alexander The Great (London: Methuen & Co, 1969) 236.
- (۱۰) E.A. Wallis Budge, Trans, The Life And Exploits of Alexander The Great Being A series of Ethiopic Texts, vol 2 (London: C.J. Clay and sons, 1896)121
- (۱۱) بھٹنا 29
- (۱۲) Paul Weinfield, "The Islamic Alexander A Religious And Political Theme in Arabic And Persian Literature," diss., Columbia U, 2008,61.
- (۱۳) بھٹنا 31
- (۱۴) Weinfield 61.

(۱۵) فردوسی، شاهنامه فردوسی، جلد سوم (تهران: انتشارات و آموزش انقلاب اسلامی،
۱۳۷۰ ش) ۱۳۶۶

(۱۶) Prakash 20.

(۱۷) Proceedings of the All India Oriental Conference, vol IX
(Trivandrum: Government Press, 1937) 955-97.

(۱۸) M'Crindle 4.

(۱۹) ۴۲

(۲۰) ۴۴

(۲۱) Weinfield 31.

